

115 dente ac si e celo nobis accersivit, in quo verbum Dei *in sinu patris*²⁰ invenit totoque sicut Johannes pectore hausit et sicut beatus Paulus apostolus speciali quadam divinitatis gratia promeruit hoc salutis donativum, inde nobis attulit, *ut nos in Dei filios transferret glorieque suae coheredes faceret.*²¹

120 Ideo, dilectissimi, amplectimini karitatem, que sic cultores suos iustificat, que de alienis peccatis virtutes sanctas multiplicat, liberales et salubres res edificat, corroborat sanctam ecclesiam et honorat. Si eam perfecte cognoverimus, nostre saluti congrua ac commoda prestabimus, concupiscentias malas et iniquas cogitationes cohibebimus, catholice fidei normam sincera integritate servabimus. Imitemur 125 etiam adhuc Dei et apostoli nostri scilicet patroni nostri sociorumque eius fidem et affectum, de quo nobis divinitus eterne salubritatis aperitur indicium! Non terrena spiritualibus preferamus, proximos nostros, velut ipse amavit, diligamus, ve-lamina iusticie illius cotidie induamus! Proximi namque nostri sunt, quos exemplo genitricis Dei sancta mater ecclesia sine corruptione concepit, sine dolore in baptimate peperit et per unigeniti sui consortium filios adoptivos fecit, pignore superne hereditatis ditavit. Hinc quoque generosior est generatio spiritualis quam cognitionis et carnis. Per hanc quippe celo violentia irrogatur, summis una sociantur, pax antiquitus perdita cum sanctis angelis nobis restauratur, contentio quoque prioris discordie postponitur, atque in gratiam beneficii divini confrates 130 et conservi ab ipsis nunc veneramur. Quo ordine ipsa spiritualis nativitas impleatur, Dominus insinuando fatetur. *Nisi quis renatus fuerit ex aqua et spiritu sancto, non potest introire in regnum Dei.*²²

135 Itaque, fratres karissimi, secundum apostolum *renovemur spiritu mentis nostre*²³ 140 atque commendemus memorie, quia in Christi baptimate descendit filius ire ac discordie et ascendit filius pacis, reconciliationis et gratiae! Recogitate etiam, quia omnis sermo divine auctoritatis veteris ac novi testamenti pagina ad tanta virtutum ac doctrinarum nos invitant scandere culmina. Legislatoris, scilicet beati Moysi, karitatem respicite, qui pro fratribus suis, etiam iuste peritur, non ab-nuebat supraemam²⁴ damnam²⁵ subire. *Obsecro, inquit, Domine, peccavit populus iste peccatum magnum, aut dimitte eis hanc noxam, aut dele me de libro, quem scriptisti.*²⁶ Miche simul prophete precordialem amorem attendite, qui, dum de populi plaga sui trepida penderet expectatione, spiritu sancto se privari et mendacem fieri pro eorum desiderabat 145 150 desiderabat unctione. *Utinam, inquiens, essem vir non habens spiritum et mendacium potius loquerer.*²⁷ Beatum quoque Paulum doctorem gentium inter hec celestium virtutum connumeremus mysteria, qui a Christo optabat fieri

²⁰ Jo 1,18

²¹ Rm 8,17

²² Jo 3,4

²³ Eph 4,23

²⁴ subrema A

²⁵ dampna A

²⁶ Ex 32,31-32

²⁷ Mi 1,11